



Broj: 09-20-11-2-2043

Dana: 21.10.2020. godine

Na osnovu člana 43. i 45. Zakona o unutrašnjim poslovima Federacije Bosne i Hercegovine (Službene novine Federacije BiH broj: 81/14), člana 25., 69. i 70. Zakona o javnim nabavkama BiH (Službeni glasnik BiH broj: 39/14), i preporuke Komisije za provođenje otvorenih postupaka nabavke u 2020. godini, zamjenik direktora Federalne uprave policije d o n o s i :

ODLUKU

o izboru najpovoljnijeg ponuđača u postupku Javne nabavke rezervnih dijelova, dodatne opreme i potrošnog materijala za vozilo Audi Q7

I

Na osnovu Obavještenja o nabavci broj: 1412-1-1-214-3-97/20 od 02.10.2020. godine koje je objavljeno u Službenom glasniku BiH broj: 63/20 od 09.10.2020. godine, proveden je otvoreni postupak Javne nabavke rezervnih dijelova, dodatne opreme i potrošnog materijala za vozilo Audi Q7. Kao najpovoljnija ponuda ocjenjena je ponuda ponuđača Porsche Inter Auto BH d.o.o., Sarajevo sa ukupno ponuđenom cijenom i uračunatim popustom u iznosu od 9.500,18 KM bez PDV-a, odnosno sa ukupnom cijenom i uračunatim popustom u iznosu od 11.115,21 KM sa PDV-om.

S tim u vezi donosi se Odluka o izboru najpovoljnijeg ponuđača Porsche Inter Auto BH d.o.o., Sarajevo sa ukupno ponuđenom cijenom i uračunatim popustom u iznosu od 11.115,21 KM sa PDV-om, u postupku Javne nabavke rezervnih dijelova, dodatne opreme i potrošnog materijala za vozilo Audi Q7.

II

Obavezuje se ponuđač iz tačke 2. ove Odluke da u roku od 5 dana od prijema ove Odluke dostavi dokumenta navedena u tački 12. odnosno 13. Tenderske dokumentacije br.09-20-11-2-1729.

III

Po okončanju roka za žalbu ugovorni organ će pozvati izabranog ponuđača radi zaključivanja Ugovora.

IV

Za izvršenje Odluke zadužuje se Sektor za materijalno- finansijske poslove.

OBRAZLOŽENJE

Federalna uprava policije je provela otvoreni postupak Javne nabavke rezervnih dijelova, dodatne opreme i potrošnog materijala za vozilo Audi Q7, a shodno Odluci broj: 09-20/1-11-2-2043 od 29.09.2020. godine o pokretanju postupka javne nabavke rezervnih dijelova i potrošnog materijala za vozilo Audi Q7, odnosno po Obavještenju o javnoj nabavci broj: 1412-1-1-214-3-97/20 od 02.10.2020. godine koje je objavljeno u Službenom glasniku BiH broj: 63/20 od 09.10.2020. godine. S tim u vezi, Komisija za provođenje otvorenih postupaka nabavke za 2020. godinu, imenovana Rješenjem zamjenika direktora Federalne uprave policije broj: 09-19/1-30-2-111 od 13.02.2020. godine, je utvrdila da je u predviđenom roku za dostavljanje ponuda pristigla samo jedna ponuda i

to ponuđača: Porsche Inter Auto BH d.o.o., Sarajevo, što je i konstatovala u svom Zapisniku sa otvaranja ponuda u koji su uneseni svi elementi predviđeni članom 63. stav 4. i 5. Zakona o javnim nabavkama BiH.

Dalje, Komisija je nakon ostvarenog uvida u ponudu ponuđača Porsche Inter Auto BH d.o.o., Sarajevo, sa ukupno ponuđenom cijenom i uračunatim popustom u iznosu od 9.500,18 KM bez PDV-a, odnosno sa ukupnom cijenom i uračunatim popustom u iznosu od 11.115,21 KM sa PDV-om, utvrdila da je ista ponuda formalno- pravno ispravna, i u skladu sa procjenjenom vrijednošću nabavke po Odluci Federalne uprave policije broj: 09-20/1-11-2-2043 od 29.09.2020. godine, te je primjenjujući kriterijum- najniža cijena, navedenu ponudu ocjenila najpovoljnijom ponudom.

Imajući u vidu naprijed navedeno Komisija je svom Zapisniku br.09-20-11-2-2043 od 20.10.2020. godine, shodno članu 70. Zakona o javnim nabavkama BiH, dala preporuku u odnosu na ponuđača Porsche Inter Auto BH d.o.o., Sarajevo za donošenje odluke o izboru najpovoljnijeg ponuđača, te je s tim u vezi i odlučeno kao u dispozitivu.

Pravna pouka: Protiv ove Odluke može se podnijeti žalba ugovornom organu, Federalnoj upravi policije Sarajevo, u roku od 10 (deset) dana od dana prijema ove Odluke.

ZAMJENIK DIREKTORA
GENERALNI INSPEKTOR POLICIJE
Ensad Korman



Dostaviti:

- Sektor za mat. fin. poslove
- ponuđačima
- u spis